



Republika e Kosovës
Republika Kosova
Republic of Kosovo

REPUBLIKA E KOSOVES REPUBLIKA KOSOVA REPUBLIC OF KOSOVO
KUVENDI KOMUNAL ASSEMBLY OF MUNICIPALITY SKUPŠTINA OPŠTINE
SKENDERAJ

Nr.
No. 02-110/01-0018891/26
Data.
Data. 22.05.2026



Komuna Skenderaj
Opština Skenderaj
Municipality of Skenderaj

Procesverbal nga Diskutimi Publik për Ndryshimin dhe Plotësimin e Rregullores për Taksa, Tarifa, Ngarkesa dhe Gjoha nr. 01-110/01-0025382/22, e plotësuar dhe ndryshuar me Rregulloren për Taksa, Tarifa, Ngarkesa dhe Gjoha nr. 01-110/01-0031372/25, të datës 01.08.2025.

Data: 17.04.2026

Ora: 10:30

Vendi: Salla e Kuvendit Komunal të Komunës së Skenderajt

Të pranishëm: Nënkryetari i Komunës, z. Fadil Nura; Albinot Mehmeti, kryesues; Antigona Maliqi, anëtare; Ilmi Kabashi, anëtar; Kreshnik Smakiqi, anëtar; Ramadan Aruqi, anëtar.

Albinot Mehmeti: I nderuar Nënkryetar, të nderuar të pranishëm, qytetarë, ju njoftoj se Kryetari i Komunës e ka formuar Grupin Punues për plotësim-ndryshimin e Rregullores për Taksa, Tarifa, Ngarkesa dhe Gjoha nr. 01-110/01-0025382/22, e plotësuar dhe ndryshuar me Rregulloren për Taksa, Tarifa, Ngarkesa dhe Gjoha nr. 01-110/01-0031372/25, të datës 01.08.2025. Me datë 08.04.2026 kemi publikuar njoftimin publik në ueb-faqen e Komunës për realizimin e konsultimit publik, Po ashtu e kemi publikuar draft-rregulloren për plotësim-ndryshimin e Rregullores për Taksa, Tarifa, Ngarkesa dhe Gjoha nr. 01-110/01-0025382/22, e plotësuar dhe ndryshuar me Rregulloren për Taksa, Tarifa, Ngarkesa dhe Gjoha nr. 01-110/01-0031372/25, të datës 01.08.2025. Plotësim-ndryshimi parasheh ndryshimin e nenit 11, paragrafët 6, 7, 8 dhe 9 të Rregullores për Taksa, Tarifa, Ngarkesa dhe Gjoha nr. 01-110/01-0025382/22, e plotësuar dhe ndryshuar me Rregulloren për Taksa, Tarifa, Ngarkesa dhe Gjoha nr. 01-110/01-0031372/25, të datës 01.08.2025. Nëse dikush ka ndonjë vërejtje apo sugjerim, mund të na kontaktojë edhe në email-at Albinot.Mehmeti@rks-gov.net dhe Besiana.thaci@rks-gov.net, por propozimet mund t'i jepni edhe sot në këtë diskutim publik.

Tani fjalën e ka edhe Nënkryetari.

Fadil Nura: Faleminderit, kryetar i komisionit. Atëherë, më lejoni që t'ju uroj mirëseardhje qytetarëve dhe mirëseardhje të veçantë përfaqësuesve të kompanive transportuese. Mirë se keni ardhur. Lidhur me procedurën e rregullt ligjore për plotësim-ndryshimin e Rregullores për Taksa, Tarifa dhe Gjoha, e cila adreson çështjen e taksave të stacionit tashmë të funksionalizuar, kemi

sigurisht edhe taksa të tjera që janë bazë e rregullores, por për të cilat nuk janë bërë propozime nga drejtoritë përkatëse, p.sh. taksat e lokaleve të ndryshme. Ndërsa sot e kemi diskutimin për tarifën e stacionit të autobusëve. Ne po e ndjekim procedurën e rregullt për plotësim-ndryshimin, ashtu siç e parasheh ligji. Propozimet që do t'i marrim nga qytetarët do të merren për bazë dhe të gjitha këto do t'i adresojmë në Kuvendin e Komunës. Pastaj, Asambleja, me shumicë votash, vendos për tarifën të cilat aplikohen nga data e hyrjes në fuqi të plotësim-ndryshimit të Rregullores për Taksa, Tarifa dhe Gjoha. Unë kam mbajtur një takim, shkurtimisht, me përfaqësuesit e kompanive transportuese. Qëllimi është që të mos i ngarkojmë. Do t'i marrim edhe opinionet e qytetarëve dhe bashkërisht të vendosim një tarifë e cila është e pranueshme, në kuptimin e interesit të Komunës, interesit të kompanive, por edhe në interes të qytetarëve. Para së gjithash, ky është qëllimi ynë i përbashkët: të mos vendosim tarifa pa konsultim publik, si me kompanitë ashtu edhe me qytetarët. Pa humbur kohë, i kemi anëtarët e komisionit dhe po e hap debatin. Secili që ka arsyeshmëri në kërkesat apo propozimet e veta, çfarëdo që ka, ne i marrim për bazë si komision, në mënyrë që procedura të procedohet në seancën e këtij muaji që vjen. Pastaj, asamblistët, përkatësisht Kuvendi, është akti final që do të votojë. Sigurisht, e kemi edhe Komitetin për Politik dhe Financa, i cili jep rekomandimet e tij, po ashtu edhe asamblistët, të cilët janë të zgjedhurit e popullit. Por e gjithë kjo ka për qëllim që transportuesit, përkatësisht ofruesit e shërbimeve, të pajtohen. Atëherë mund të fillojmë me propozimet apo kërkesat për këtë diskutim publik.

Isak Shala: Faleminderit të gjithëve për përkrahje por na kemi biseduar me kryetarin dhe kemi marrë çmimorën e Mitrovicës dhe Drenasit ku Mitrovica e ka 2 euro Mitrovicë - Prishtinë në qofte se bazoheni këtu po ashtu dhe Drenasi e ka 2 euro Drenas – Prishtinë edhe tjetra pengese është kombi ilegal.

Albinot Mehmeti: Ne, si Grup Punues, kemi bërë hulumtime për tarifën të cilat aplikohen në komunat e tjera. Për shembull, kemi vizituar Komunën e Mitrovicës, ku tarifa në relacionin Mitrovicë – Prishtinë ishte 3 euro. Po ashtu, na njoftuan se janë në pritje të ndërrimit të rampës hyrëse, duke kaluar në rampa digjitale, dhe se do ta rishikojnë çmimorën ekzistuese.

Fadil Nura : Nëse me lejohet pak me u ndërlidh me çështjen e kombit ilegal është një problematikë që jemi duke e vazhduar me ritëm pa u tërhequr si pas Drejtorisë së Inspektoratit janë duke vazhduar me i ndalë dhe kemi arritur më i ndalë por ka punë ende dhe e kemi obligim.

Zeqir Sylja: A ka mundësi këtë rregullore tarifën ti shpjegosh ?

Albinot Mehmeti : Tarifën ekzistuese deri më tani janë këto, ndërsa pas pranimit të propozimeve nga ana juaj dhe qytetarëve bashkërisht do të vendosim tarifën e reja.

11.6 Autobusët e relacionit urban:

*Autobusët Mbi 28 ulëse nga 2.5 Euro në

* Autobusët Deri 28 ulëse nga 2 Euro në

* Autobusët Deri 18 ulëse nga 1.5 euro në

11.7 Autobusët e relacionit ndër-urban dhe periferi:

*Autobusët Mbi 28 ulëse nga 2 Euro në

* Autobusët Deri 28 ulëse nga 1.5 Euro në

* Autobusët Deri 18 ulëse nga 1 Euro në

11.8 Vetura /Automjetet deri në 3.5 tonë nga 1 Euro

11.9 Vetura /Automjetet mbi në 3.5 tonë nga 2 Euro

Faton Veliu: Për kombi ilegal një rendësi më të veçantë të kombit ilegal si pikë kryesore e kanë mëngjesin dhe mbrëmjen nga ora 5:30 dhe mbrëmje.

Fadil Nura : Të gjitha informacionet i kemi vetëm na duhet pak më shumë kohë sepse ligjërisht nuk kane të drejtë dhe më këtë pjesë do të merremi ne.

Zeqir Sylia : Për ne që i kemi linjat në fshatra po e shohë si çmim të lartë rritjen e këtij çmimi 2.50 euro i cili çmim është i pa përballueshëm.

Fadil Nura : Si dhe ju njoftoj se, për tarifatat e parkingut pas orarit të punës së linjave të transportit, nuk do t'ju vendosen tarifa të tjera.

Albinot Mehmeti: Ju faleminderit për pjesëmarrjen.

